

- Cum ecce descendere virginem spectavi,
Cuius statim lumine totus radiavi.
- 24 Hec inestimabili pollens dignitate,
Faciei respuens formam picturate,
Nec mendicans phaleras forme mendicate,
Sed de sua propria fulgens claritate,
Solem superaverat speciositate.
- 25 Crinis eius omnibus modis insignita,
Crispa, splendens, aurea, radians, ignita,
Quodam auri nodulo retrorsum unita,
Pollebat anterie pulchro¹ bipertita,
Nusquam supereminens, undique polita.
- 26 Frons ampla, suppeditans lili candorem,
Formam gerens ebore plano planiorem,
Resplendens argenteum induens fulgorem,
A rugis et maculis se remociorem
Reddit, et omnimodum induit decorem.
- 27 Eius supercilia iuste moderata,
Non raro, non nimium erant condensata,
Nec ferro nec unguibus erant minorata,
Nigra, relucencia, quadam liliata
Distabant planicie, satis elongata.
- 28 Subridentes modicum oculi puelle,
Sicci, penetrabiles, clari quasi stelle,
Abessent ominii signum² sine felle,
Cum vicissim tenui se tegebant pelle,
Videbantur homines inflammari velle.
- 29 In vultu virgineo quando se ostendit,
Quasi super lilium rose³ se extendit:
Tandem per connubium res ad pacem tendit,
Quia color roseus faciem incendit,
Et permista lilio rosa comprehendit.
- 30 Nasus eius complacens, tractilis et rectus,
Non simus, non aquilus, non nimis erectus,
Sed quodam libramine medio directus,
Ex utraque narium redolens, perfectus,
Quas odor insigniit balsamo confectus.
- 31 Os recens et roseum erat puellare
Dulciter, et dulcius certans odorare,
Et si labra cerneret modicum levare
Ac sarratos⁴ dentulos, ebur exemplare,
Diceret quod basia vellent postulare.
- 32 Fulgebat planicies expolita menti,
Et collum pulcherrimum, in antecedenti
Parte pulchrum, pulchrius in retrocedenti,

1) Sic! 2) Sic! 3) rosa? 4) Sic!